

Preghiera d'inverno

Gh'è 'gnu foeura 'n 'ogiada de So
Dopo tant'acqua e fregg ch'en podevom pu.
Me som mis lì a scaldass tam 'me 'na luserta,
Tacà la finestra bela ciara e verta.

O gent : semm subit pront a lamentass,
Semm minga bon de contentass.
De quel che 'riva de bon e de gram
Guardom mai el ben, domà i magagn.

O Signor : de la tua Providenza
L'è propi vera : restom mai senza.
Fa che anca num siom on'ogiada de So
Per tanta pora gent. Lor sì ch'en poden pu.

Don Arnaldo